

LET'S DO IT

VAREŠ

ZAPISNIK

sa 1. sastanka lokalnog tima

održanog 19.05.2012. u 18,00 sati u kafe baru „Jazz in the house“

PRISUTNI:

1. Mirela Erlbek, koordinator;
2. Dalija Velić, zamjenica koordinatora;
3. Jasna Alihodžić;
4. Samir Kovačević;
5. Sanel Jozeljić;
6. Audin Velić;
7. Božidarka Dodik;
8. Katarina Pejčinović;
9. Marina Barnjak;
10. Maja Jačimovski;
11. Marijana Kostić;
12. Katarina Gavran;

a odsustvo su opravdali Emina Šolak i Marko Poljaković.

Nakon prezentacije video klipa „Let's do it Estonia“, Božidarka Dodik je prisutne upozнала sa osnovnim ciljevima akcije i o osobama koje su koordinatori akcije na nivou kantona, odnosno države (Božidar Mihajlović – za Let's do it BiH, Sandra Kobajica, koordinator za osnivanje lokalnih timova ZDK i Lejla Džanko, PR koordinator za ZDK). Potom je učesnike obavijestila o aktivnostima koje su planirane da se provedu na lokalnom nivou do konačnog datuma akcije, tj. do 09.09.2012.g. i to:

- a) Informiranje i uključivanje u akciju nastavnika i učenika srednje škole i osnovnih škola, kao prioritetan zadatak, obzirom da se bliži kraj školske godine;
- b) Informiranje i uključivanje u akciju nadležnih iz Općine Vareš, uključujući načelnika, pomoćnike, službu za komunalne poslove, civilnu zaštitu, a posredstvom općine ili neposredno - JKP Vareš;

- c) Informiranje i uključivanje u akciju NVO, sportskih, kulturnih i drugih sličnih organizacija koje djeluju na području općine Vareš;
- d) Informiranje i uključivanje privatnih poduzetnika, kao potencijalnih partnera, sponzora i donatora;
- e) Informiranje i uključivanje medija radi podrške u promociji akcije (intervjui, novinski članci);
- f) Informiranje i uključivanje u akciju Doma zdravlja Vareš;
- g) Mapiranje lokacija na kojima se nalaze ilegalne deponije i procjena resursa za čišćenje svake od označenih lokacija;
- h) Šire informiranje građanstva o svrsi i ciljevima akcije putem plakata, letaka i dr. aktivnosti;
- i) Aktivnosti u vezi registracije i rasporeda svih učesnika, nakon što se završi mapiranje (s tim da su učenici osnovnih i srednjih škola predviđeni za čišćenje parkova i gradskih površina, a odrasli-18g. i više, za čišćenje deponija u okolici i šumama)
- j) Pitanja donacija od strane Varešana koji ne žive u Varešu, ali žele da podrže akciju novčanim priložima.

Diskusija:

Maja Jačimovski je upoznala prisutne o nedavno fomiranoj Fondaciji za obnovu i održivi razvoj općine Vareš, o organizaciji Fondacije te njenim vizijama i ciljevima, koji obuhvataju i ekologiju. Pojasnila je da Fondacija upravo razvija projekat čišćenja nelegalnih deponija u okolici Vareša, u vezi čega su već poduzeli određene aktivnosti, kontaktirali JKP i evidentirali znatan broj lokacija koje bi trebalo očistiti, ali da su sredstva koja su im donirana nedovoljna za sveobuhvatnu realizaciju projekta. S toga je Fondacija izuzetno zainteresirana za ovu akciju i svakako će se uključiti i preuzeti aktivnosti o kojima se dogovore članovi Upravnog odbora na slijedećem sastanku.

Božidarka Dodik je obavijestila prisutne da je za 23.05.2012.g. u Zenici planiran sastanak svih koordinatora lokalnih timova sa područja ZDK, te je dogovoreno da će na sastanak ići Mirela i Dalija, a Božidarka će finansirati njihove troškove. Svi prisutni su pozvani da se izjasne koje od navedenih aktivnosti bi mogli da obave u narednom periodu, a obzirom da predstoji jako puno posla, bilo bi dobro da svako pokuša da formira manju radnu grupu (prijatelji, rodbina, kolege) koji bi mu pomagali. Dogovoreno je slijedeće:

1. *Katarina Pejčinović* će biti vođa radne grupe za OŠ Vareš, a za OŠ Vareš Majdan će uključiti nekoga od kolega. Ove aktivnosti obuhvataju

informiranje direktora, nastavnika i roditelja, a nakon toga prezentaciju za učenike.

2. *Sanel Jozeljić* će biti zadužen za SŠC, s tim da će uključiti prijatelje, a sastanak sa direktorom će zakazati Mirela. Sistem je isti kao za osnovne škole.
3. *Marijana Kostić* će biti zadužena za kontaktiranje medija, a trebalo bi što prije organizirati intervju sa koordinatorom lokalnog tima i po mogućnosti, koordinatorom kantonalnog i državnog tima(makar telefonski). Također će pripremiti članak za slijedeći broj lista „Bobovac“ . Trebalo bi provjeriti da li još neki od medija djeluju na području općine (radio Očevija?)
4. *Katarina Gavran* će informirati članove KES-a, a oni će dalje kontaktirati sa sportskim društvima (karate, nogometni klub i dr.) –također bi trebalo napraviti prezentaciju za članove klubova (razmisliti je li moguće napraviti zajedničku prezentaciju za sve sportske klubove ?)
5. *Mirela Subašić i Jasna Alihodžić* će kontaktirati načelnika općine i nadležnog pomoćnika (Rusmir Berberović), a potom nadležnu općinsku službu, CZ i JKP. Potrebno je pribaviti kartu općine Vareš, radi označavanja ilegalnih deponija, pribaviti podatke od službe za komunalne poslove i JKP(ili od Fondacije-Maja) o već evidentiranim lokacijama, sa CZ dogovoriti provjeru potencijalno opasnih područja (mine, nepristupačni tereni i sl.) Također je potrebno dogovoriti da općina stavi na raspolaganje salu za održavanje masovnijih sastanaka.
6. *Emina Šolak* će informirati direktora i uposlenike Doma zdravlja, kako zbog učešća u akciji, tako i zbog osiguranja hitne medicinske pomoći na dan akcije (raspored medicinskih radnika po lokacijama koje će se čistiti i vozilo hitne pomoći u pripravnosti). Potrebno održati prezentaciju.
7. *Mirela, Jasna i Dalija* će kontaktirati i informirati sve nevladine i humanitarne organizacije koje djeluju na području općine, po mogućnosti održati prezentacije;
8. *Božidarka Dodik* će sačiniti listu privatnika (potencijalnih sponzora), pripremiti za njih posebne pozivnice za sastanak u zgradi općine planiran za 05.06. i kontaktirati što veći broj. Također će kontaktirati sa Parić Seadom u vezi izrade promotivnog materijala (plakati i sl.), te za vođenje evidencija o sastancima lokalnog tima i dr. sličnim aktivnostima (zapisnici i dr. podnesci)
9. *Audin Velić* će kontaktirati i informirati lovce i ribolovce.
10. *Audin i Dalija Velić* će sačiniti prezentaciju akcije (u power point-u) za uzrast preko 18 godina (uključiti fotografije deponija, logo akcije i dr.) koja će se koristiti za navedene ciljane grupe (osim djece). Rok: 26.05.2012.

11. *Jasna i Marko* će sačiniti prezentaciju za djecu (za vrtić i OŠ) Rok: 26.05.2012.
12. *Marina Barnjak* će zamoliti brata Davora da izradi logo za lokalni tim Let's do it Vareš, koji bi trebalo dalje koristiti u prezentacijama, na plakatima i sl. Rok: 26.05.2012.
13. *Samir Kovačević* će biti zadužen za podjelu promotivnog materijala, postavljanje plakata i sl.
14. Svi članovi tima će o izvršenim aktivnostima obavještavati koordinatora Mirelu.
15. Pitanje finansijske podrške od strane Varešana koji žive vani će biti naknadno riješeno. Obzirom da je Let's do it Vareš neformalna i neregistrirana organizacija, ne može se otvoriti žiro račun, osim na ime nekog od učesnika ili na neko od postojećih udruženja. O tome će se postaviti pitanje na sastanku koordinatora u Zenici. U svakom slučaju, svaki trošak članova tima treba evidentirati, a svaku donaciju i svako raspolaganje sa istom učiniti transparentnim (objavama u FB grupi). Sve račune čuvati, a sa svim zainteresiranim sponzorima i partnerima sklapati ugovore. Troškovi 1. sastanka: 12,00 KM- piće (B.Dodik), troškovi putovanja na sastanak u Zenicu: 50,00 KM (B.Dodik)
16. Nakon što se provedu gore navedene aktivnosti, održat će se masovniji sastanak u općini na koji da se pozovu: privatnici, predstavnici škola, predstavnici općine, JKP, NVO, sportskih i dr. organizacija. Potrebno je održati prezentaciju, objasniti šta je već urađeno i šta dalje treba uraditi, odnosno, šta se od koga očekuje. Pozvati i poznatije Varešane (Željko Ivanković i dr.), kao i predstavnike vjerskih zajednica. Majin prijedlog da se sastanak održi 05.06.2012., na Dan okoliša je prihvaćen, no treba voditi računa da datum pada u radni dan, pa bi sastanak trebalo organizirati u večernjim satima.
17. Preko FB pozvati sve članove da se uključe u mapiranje, tj. da uslikaju i u grupu postave fotografije ilegalnih deponija uz opis mjesta gdje se smeće nalazi, a trebalo bi formirati i posebnu radnu grupu za obilazak terena.
18. Sastanci tima bi se trebali održavati jednom sedmično. Slijedeći sastanak će se održati 26.05.2012. u 17,00 sati, na istom mjestu.

Sastanak završen u 19,30 sati.

Vareš, 19.05.2012.

Lokalni tim

Let's do it Vareš